

懷仁縣新志卷四

壇廟寺觀附

先農壇在縣南里許雍正五年知縣鍾元輔奉文建
正殿三楹西廂房三楹大門一座
社稷壇在縣南里許

風雲雷雨山川壇在西門外二里

厲壇在城北一里高丈餘向無殿宇因城隍神三節
出府祭孤不避風雨於同治十三年新定行宮三間
城隍廟舊在縣治西南明初移建今地嘉靖四年知

縣于祥修碑存西安堡城隍廟在堡東北隅有古楊一株圓徑可七八尺靈異人莫敢熟四老溝城隍廟靈應異常

關帝廟一在縣治西東向元延祐中邑大賓渡江遇風舟將覆賴神祐以全始立祠丁字街明萬曆三年省祭師經百長趙惟賢苑登重建三十年知縣胡貢修碑存光緒五年紳商集貲重葺改豎石旗桿一對歲貢魏廓書聯保德學正師傳述作記殿前有鐵鑄蓮花八金剛寶盆正德十二年造高四尺圓徑三尺

色黝我製造奇古徧體書識一在東應城明萬厯
年知縣楊守介創建碑存乾隆十四年知縣彭作
修

龍王廟一在東關北門外明萬厯時創建天啟三年
知縣胡作鯤重修殿前有大佛頂尊勝波羅片幢贊
六稜高三尺餘兩面書序餘俱梵贊書法圓媚可愛
而頗剝蝕逸民季子先撰進士魏貞一書丹金正隆
一年九月曹元立一在龍泉街

火龍王廟在東門南未群創始供木像天將雨則鼻

準有汗珠廟內古榆相傳為唐時物

王帝廟在東門外迤北明初建嘉靖三年知縣于祥修邑舉人王汝浹記殿後白榆大數十圍枝柯奇古虬屈垂蔭數畝始不可計年矣

馬神廟一在西關明成化十年創建一在東關乾隆十三年創建

二郎廟在西關內建始蓋古兼奉龍神據明嘉靖十四年碑云前代重修時毀舊像腹內有黑跡書元至正元年懷仁衍福坊人氏修理原係雲中之古徑龍

王後洪武五年建設又有嘉靖四十五年創建樂樓
記廟西偏磚瑤一座今半圯

火神廟即三聖廟原係神機庫明時建康熙七年守
備教應甲重修

元帝廟一在北城工字墩道元四年知縣張春臺修
一在西郭外二里大殿三楹旁建魁星樓聖母廟三
靈侯廟明時建代州兵部侍郎吳嘉會撰記今圯

菩薩廟四一在縣治南名三菩薩廟下砌水道十餘
丈為閘城水口一在東關內正德間劉文中創建萬

歷二十三年重修鑄鐵碑為記一在東關南門外乾隆四十九年重修邑廩生郝克明撰記一在西關道光六年知縣張春臺重修院內有佛頂尊勝陀羅尼幢記序數百言餘俱梵語佛號書法有柳公道建氣遼乾統四年乾時建太原郝符撰武威石豐書

白衣寺在東關內乾隆五十一年知縣楊湘重修寺西數武有磚墻建始無考高四丈許五級六角磚工精緻絕倫旁多石幢俱踏地字跡漶漫其一有正統丙寅字

統陽宮在東關十字街每祈禱無不靈應

張總管祠在東門內唐胡方總管張仁愿築三受降城後人立祠祀之今廢

北嶽行祠四一在東關南閣外正殿三楹東建土皇廟西配財神廟一在日中城一在縣西南六十里金仙山一在玉龍洞

寺觀

崇國寺在縣治北元至元間建至正中增建靈壙一座今圯明洪武年修置僧會司正德中知縣張繹重

修殿前有大鐵爐形制甚古

禪房寺一在縣西北三十里禪房山麓上有七級浮圖俱遼時建一在縣西南五十里禪房村

牙槎寺在縣西南十里

蘆手寺在蘆子山

龍泉寺三一在鎮海堡舊名龍山寺唐時建一在上海子村一在縣西南百里寶峯山寺廢而海眼猶在團山寺在縣西北二十五里團山上

天羅寺在縣西南六十里禪房村北寺南有聚仙臺

詳古蹟石上有面如缶蓄水無幾取之不竭

金山寺在縣西南六十里金仙山西又有金仙洞明
正德十五年新建金仙聖母殿碑記邑人李克中撰
此碑豎城內太清觀中未詳其故洞南有滴水崖寺
石壁有孔日滴水數壺故以名寺

永寧寺一一在南小寨元時建寨西有老龍王廟廟
外一片相傳里民掘井及衆獲一大質老龍元首像
遂作廟裝塑以奉之一在縣治南

太清觀金章宗承安時淹沒海創建明嘉靖年修康

熙元年重修碑邑拔貢張琮撰文過殿有新建金仙洞三聖母殿碑

老君觀在縣西北二十里得勝山明隆慶間建高欲摩雲居民鑿石級而上

三清觀在七峯山以鐵瓦覆之內有玉龍真洞西巖有玉皇閣閣東北有飛仙洞內有張真人像西殿有天閣二字明殿州知州薛敬之書餘詳山川

清涼寺在縣西十五里古文殊院圯廢已久咸豐間知縣趙德漳興建同治十年西巖塌出石像三尊

東南高峯插天上建魁樓樓西巖半有石如弦月形
返照有先

燕家同在室峯山東上奉嶋釣直人像後有洞好事
者入同數十武輒畏蕙返走下建聖母廟又有香花
院中多古栢院北為張良同別有自來廟如舌飛來
峯之類

三教寺一在趙馬寨明嘉靖十八年建住持僧作記
一在何家堡

地藏王廟在西門月城內雍正元年重葺

千佛寺在縣西南一百二十里榆樹畧南寺山舊碑
模糊未詳創始相傳遼時石壁塌出佛像無算因以
立寺中有石佛三尊高四尺許以金碧飾之旁有石
洞上建元帝廟廟外懸崖下有老僧羽化遺像寺前
有井水寒冽禱雨靈應

紅石崖寺在縣西南劉家窑今廢

蔡家嶺寺石洞有佛像上下皆懸崖絕壁無路可通
真人跡罕到之地也

興國寺在西安堡南創始未詳明嘉靖三十八年虜

至焚毀事平後操守劉冕修建今復廢堡內碑幢鐘磬大半興國寺故物北甕城有立馬關帝廟明天啟四年建

西安堡龍神廟舊操守署改建廊下有隆慶四年劉操守冕德政碑邑人李克中撰

鵬窠寺在大峪口內以絕壁有鵬窠遺跡故名西有朝陽閣

清雲寺在清水河村堡上有新建三聖廟

古龍王廟在邊家店梁上盤屈二龍生動欲活

黃花觀在黃花嶺今改建娘娘廟

東泉子寺懸南三十里法華寺在雙井村聖母廟在凍牛坡福海寺在海北頭又有宋家莊寺南宴莊寺趙家疇寺俱在縣南

崔府君廟在劉宴莊明正統四年創建靈應異常

社稷著於經舞雩載於傳周官宗伯掌之以崇敬也禮有功德於民則祀之能為民禦災捍患則祀之成民而後致力於神格幽非皆為理明計乎至於琳宮寶刹創造蓋亦有年有其舉之莫敢廢也

姑備錄其概梗云

風俗 物產

懷仁地界邊隅士風較樸其間世習詩書者十無一
二間有橫經之子難免負來然雖肄業弗專猶不失
孝弟力田之遺意焉遊庠後率以名節自矜非公事
不謁有司間有子矜能達之流奔走公庭庠序皆鄙
之尚有古風焉舊志云懷仁地土沙鹺人性村實無
健武好訟之風有務農勤本之實士敦廉節民恥輕
薄雖窮鄉僻壤亦知崇尚詩書人文視前頗感懷地
惟山村為甚瘠懷民惟居山者為更貧綜山川之田